



仁12  
1913  
4





四七二  
1913  
4

小雅二

鹿鳴之什二之一

呦呦鹿鳴食野之苹我有嘉賓鼓瑟吹笙吹笙鼓  
簧承筐是將人之好我示我周行○呦呦鹿鳴食  
野之蒿我有嘉賓德音孔昭視民不忮君子是則  
是傲我有旨酒嘉賓式燕以敖○呦呦鹿鳴食野  
之苹我有嘉賓鼓瑟鼓琴鼓瑟鼓琴和樂且湛我  
有旨酒以燕樂嘉賓之心

鹿鳴三章章八句

詩經

卷下

一

周行大道  
也  
視示同忮  
偷薄也

淫耽樂也



也 監不堅固

也 啓處跪居 將養也

也 咨諏訪問

也 詢猶度也

也 哀聚也

也 聞關根也

也 務音悔戎 助也 備陳飲饗

四牡駢駢周道倭遲豈不懷歸王事靡盬我心傷  
悲○四牡駢駢嘽嘽駱馬豈不懷歸王事靡盬不  
遑啓處○翩翩者騅載飛載下集于苞栩王事靡  
盬不遑將父○翩翩者騅載飛載止集于苞杞王  
事靡盬不遑將母○駕彼四駱載驟駸駸豈不懷  
歸是用作歌將母來諗

四牡五章章五句

皇皇者華于彼原隰駉駉征夫每懷靡及○我馬  
維駒六轡如濡載馳載驅周爰咨諏○我馬維駒  
沃若載馳載驅周爰咨度○我馬維駒六轡既均  
載馳載驅周爰咨詢

皇皇者華五章章四句

常棣之華鄂不韡韡凡今之人莫如兄弟○死喪  
之威兄弟孔懷原隰哀矣兄弟求矣○春令在原  
兄弟急難每有良朋況也永歎○兄弟閔于牆外  
禦其務每有良朋烝也無戎○喪亂既平既安且  
寧雖有兄弟不如友生○賓爾籩豆飲酒之飲兄



具俱也孺  
小兒之莫  
父母也  
翁令也妻  
幣妻子也  
宜信也

弟既具和樂且孺○妻子好合如鼓瑟琴兄弟既  
翁和樂且湛○宜爾室家樂爾妻帑是究是圖宜  
其然乎

常棣八章章四句

伐木丁丁鳥鳴嚶嚶出自幽谷遷于喬木嚶其鳴  
矣求其友聲相彼鳥矣猶求友聲矧伊人矣不求  
友生神之聽之終和且平○伐木許許醜酒有與  
既有肥羜以速諸父寧適不來微我弗顧於粢酒  
掃陳饋八簋既有肥牡以速諸舅寧適不來微我

相視也

醜酒也  
美貌

衍多也踐  
陳列貌  
乾餼食之  
薄者也  
醜也  
醜買也

有谷○伐木于阪醜酒有衍邊豆有踐兄弟無遠  
民之失德乾餼以愆有酒湑我無酒酤我坎坎鼓  
我蹲蹲舞我迨我暇矣飲此湑矣

伐木三章章十二句

天保定爾亦孔之固俾爾單厚何福不除俾爾多  
益以莫不庶○天保定爾俾爾戩穀罄無不宜受  
天百祿降爾遐福維日不足○天保定爾以莫不  
興如山如阜如岡如陵如川之方至以莫不增○  
吉蠲為饗是用孝享禴祠烝嘗于公先王君曰卜

單盡也

庚衆也  
設及善也  
盡也

吉言誦日  
擇士之善  
獨音娟言  
齋戒滌濯  
之潔饗酒  
食也



吊至也

恒弦也

騫虧也

承繼也

爾萬壽無疆。神之弔矣。詒爾多福。民之質矣。日用飲食。群黎百姓。徧為爾德。如月之恒。如日之升。如南山之壽。不騫不崩。如松柏之茂。無不爾或承。

天保六章章六句

采薇采薇薇亦作止。曰歸曰歸歲亦莫止。靡室靡家玁狁之故。不遑啓居玁狁之故。采薇采薇薇亦柔止。曰歸曰歸心亦憂止。憂心烈烈載飢載渴。我戍未定靡使歸聘。采薇薇薇薇亦剛止。曰歸

作生也

玁狁北狄也

聘問也

陽十月夜

病也

捷勝也

腓猶此

象海弓箭

曰歸歲亦陽止。王事靡盬不遑啓處。憂心孔疚我行不來。彼爾維何維常之華。彼路斯何君子之車。戎車既駕四牡業業。豈敢定居一月三捷。駕彼四牡四牡騤騤。君子所依小人所腓。四牡翼翼象弭魚服。豈不日戒玁狁孔棘。昔我往矣楊柳依依。今我來思雨雪霏霏。行道遲遲載渴載飢我心傷悲莫知我哀。

采薇六章章八句

我出我車于彼牧矣。自天子所謂我來矣。召彼僕



瘁音悴

襄除也

塗塗泥也簡書戍命

薄之為言聊也

訊魁首當問訊者也醜徒衆也

夫謂之載矣。王事多難，維其棘矣。我出我車于彼郊矣。設此旆矣。建彼旄矣。彼旃旒斯，胡不旆旆。憂心悄悄，僕夫况瘁。王命南仲，往城于方。出車彭彭，旂旐央央。天子命我，城彼朔方。赫赫南仲，玁狁于襄。昔我往矣，黍稷方華。今我來思，雨雪載塗。王事多難，不遑啓居。豈不懷歸，畏此簡書。嘒嘒草蟲，趯趯阜螽。未見君子，憂心忡忡。既見君子，我心則降。赫赫南仲，薄伐西戎。春日遲遲，卉木萋萋。倉庚喈喈，采芣祁祁。執訊獲醜，薄言還歸。赫

夷平也

赫南仲玁狁于夷

出車六章章八句

有杖之杜，有皖其實。王事靡盬，繼嗣我日。日月陽止，女心傷止。征夫遑止。有杖之杜，其葉萋萋。王事靡盬，我心傷悲。卉木萋萋，女心悲止。征夫歸止。陟彼北山，言采其杞。王事靡盬，憂我父母。檀車幘幘，四牡瘡瘡。征夫不遠，匪載匪來。憂心孔疚，期逝不至。而多為恤，卜筮偕止。會言近止，征夫邇止。

杖杜四章章七句



南陔

白華之什二之二

白華

華黍

麗歷也留  
以曲薄爲  
筍而承梁  
之空者也

魚麗于留。鱸。君子有酒。旨且多。魚麗于留。鯉。君子有酒。旨且有。物其多矣。維其嘉矣。物其旨矣。維其偕矣。物其有矣。維其時矣。

魚麗六章三章章四句三章章二句

由庚

行樂也

南有嘉魚。烝然罩罩。君子有酒。嘉賓式燕以樂。南有嘉魚。烝然汕汕。君子有酒。嘉賓式燕以飮。南有樛木。甘瓠纍之。君子有酒。嘉賓式燕綏之。翩翩者雛。烝然來思。君子有酒。嘉賓式燕又思。

南有嘉魚四章章四句

崇丘

南山有臺。北山有萊。樂只君子。邦家之基。樂只君子。萬壽無期。南山有桑。北山有楊。樂只君子。邦



黃老八變復黃也考老人面涼梨色如浮雅也

家之光樂只君子萬壽無疆○南山有杞北山有李樂只君子民之父母樂只君子德音不已○南山有栲北山有杻樂只君子遐不眉壽樂只君子德音是茂○南山有栲北山有椶樂只君子遐不黃耇樂只君子保艾爾後

南山有臺五章章六句

由儀

蓼彼蕭斯零露漙漙○既見君子我心寫兮燕笑語兮是以有譽處兮○蓼彼蕭斯零露瀼瀼既見君

登音惟

儻也革

子為龍為光其德不爽壽考不忘○蓼彼蕭斯零露泥泥既見君子孔燕豈弟宜兄宜弟令德壽豈○蓼彼蕭斯零露瀼瀼既見君子儻革沖沖和鸞

蓼蕭四章章六句

宗宗室也考成也

湛湛露斯匪陽不晞厭厭夜飲不醉無歸○湛湛露斯在彼豐草厭厭夜飲在宗載考○湛湛露斯在彼杞棘顯允君子莫不令德○其桐其椅其實離離豈弟君子莫不令儀



湛露四章章四句

彤弓之什二之三

彤弓召兮。受言藏之。我有嘉賓。中心貺之。鐘鼓既設。一朝饗之。○彤弓召兮。受言載之。我有嘉賓。中心喜之。鐘鼓既設。一朝右之。○彤弓召兮。受言橐之。我有嘉賓。中心好之。鐘鼓既設。一朝醕之。

石音又勸也

醕音酬報也

彤弓三章章六句

菁菁者莪。在彼中阿。既見君子。樂且有儀。○菁菁者莪。在彼中沚。既見君子。我心則喜。○菁菁者莪。在彼中陵。既見君子。錫我百朋。○汎汎楊舟。載沉載浮。既見君子。我心則休。

菁菁者莪四章章四句

六月棲棲。戎車既飭。四牡騤騤。載是常服。玁狁孔熾。我是用急。王于出征。以匡王國。○比物四驪。閑之維則。維此六月。既成我服。我服既成。于三十里。王于出征。以佐天子。○四牡修廣。其大有顛。薄伐玁狁。以奏膚公。有嚴有翼。共武之服。共武之服。以定王國。○玁狁匪茹。整居焦穫。侵鎬及方。至于涇

常服戎事之常服

熾盛也此物齊其力也

顛大貌

膚大公功

茹度也



織幟字同  
鳥章鳥集  
之章也  
輕覆而前  
也軒却而  
後也倍壯  
健貌

陽織文鳥章白旆央央元戎十乘以先啓行○戎  
車既安如輕如軒四牡既佶既佶且閑薄伐玁狁  
至于大原文武吉甫萬邦爲憲○吉甫燕喜既多  
受社來歸自鎬我行永久飲御諸友魚鼈膾鯉侯  
誰在矣張仲孝友

六月六章章八句

師衆于矜  
試肆習也  
輿亦見輦  
第車蔽也  
魚服失服  
也鉤膺脞  
也皆馬具

薄言采芑于彼新田于此菑畝方叔涖止其車三  
千師干之試方叔率止乘其四騏四騏翼翼路車  
有奭輦第魚服鉤膺脞革○薄言采芑于彼新田

約束軼轂  
錯文也

葱蒼色行  
佩首橫玉  
也

鉦鏡也獨  
也鉤吉也

于此中鄉方叔涖止其車三千旂旐央央方叔率  
止約軼錯衡八鸞瑤瑤服其命服朱芾斯皇有瑳  
葱珩○駘彼飛隼其飛戾天亦集爰止方叔涖止  
其車三千師干之試方叔率止鉦人伐鼓陳師鞠  
旅顯允方叔伐鼓淵淵振旅闐闐○蠢爾蠻荆大  
邦爲讎方叔元老克壯其猶方叔率止執訊獲醜  
戎車啍啍啍啍焯焯如霆如雷顯允方叔征伐玁  
狁蠻荆來威

采芑四章章十二句



攻堅也  
甫草甫田  
也苗狩獵  
名

決鉤弦拾  
遂弦依比  
也

我車既攻我馬既同四牡麗麗駕言徂東○田車  
既好四牡孔阜東有甫草駕言行狩○之子于苗  
選徒囂囂建旄設旌搏獸于敖○駕彼四牡四牡  
奕奕赤芾金鳥會同有繹○決拾既飲弓矢既調  
射夫既同助我舉柴○四黃既駕兩驂不猗不失  
其馳舍矢如破○蕭蕭馬鳴悠悠旆旌徒御不驚  
大庖不盈○之子于征有聞無聲允矣君子展也  
大成

車攻八章章四句

伯馬祖也

醜象也差  
釋同象也

吉日維戊既伯既禱田車既好四牡孔阜升彼大  
阜從其群醜○吉日庚午既差我馬獸之所同麇  
鹿麇麇漆沮之從天子之所○瞻彼中原其祁孔  
有儻儻俟俟或群或友悉率左右以燕天子○既  
張我弓既挾我矢發彼小豝殪此大兕以御賓客  
且以酌醴

吉日四章章六句

鴻鴈于飛肅肅其羽之子于征劬勞于野爰及矜  
人哀此鰥寡○鴻鴈于飛集于中澤之子于垣百



克終也

堵皆作雖則劬勞其究安宅○鴻鴈于飛哀鳴磬  
磬維此哲人謂我劬勞維彼愚人謂我宣驕

鴻鴈三章章六句

艾畫也

夜如何其夜未央庭燎之光君子至止鸞聲將將  
○夜如何其夜未艾庭燎晰晰君子至止鸞聲噦  
噦○夜如何其夜鄉晨庭燎有輝君子至止言觀  
其旂

庭燎三章章五句

沔彼流水朝宗于海駢彼飛隼載飛載止嗟我兄

再止也

弟邦人諸友莫肯念亂誰無父母○沔彼流水其  
流湯湯駢彼飛隼載飛載揚念彼不蹟載起載行  
心之憂矣不可弭忘○駢彼飛隼率彼中陵民之  
訛言寧莫之懲我友敬矣讒言其興

再止也

沔水三章二章章八句一章六句

鶴鳴于九臯聲聞于野魚潛在淵或在于渚樂彼  
之園爰有樹檀其下維禕他山之石可以爲錯○  
鶴鳴于九臯聲聞于天魚在于渚或潛在淵樂彼  
之園爰有樹檀其下維穀他山之石可以攻玉



鶴鳴二章章九句

祈父之什二之四

祈父予王之爪牙。胡轉予于恤靡所止居。○祈父予王之爪士。胡轉予于恤靡所底止。○祈父亶不聰。胡轉予于恤有母之尸饗。

祈父三章章四句

皎皎白駒。食我場苗。繫之維之以永今朝。所謂伊人於焉逍遙。○皎皎白駒。食我場藿。繫之維之以永今夕。所謂伊人於焉嘉客。○皎皎白駒。賁然來

思爾。公爾侯逸。豫無期慎爾優游。勉爾遁思。○皎皎白駒。在彼空谷。生芻一束。其人如玉。毋金玉爾音。而有遐心。

白駒四章章六句

黃鳥黃鳥。無集于穀。無啄我粟。此邦之人。不我肯穀。言旋言歸。復我邦族。○黃鳥黃鳥。無集于桑。無啄我梁。此邦之人。不可與明。言旋言歸。復我諸兄。○黃鳥黃鳥。無集于栩。無啄我黍。此邦之人。不可與處。言旋言歸。復我諸父。



黃鳥三章章七句

我行其野蔽芾其樛昏姻之故言就爾居爾不我  
畜復我邦家○我行其野言采其遠昏姻之故言  
就爾宿爾不我畜言歸思復○我行其野言采其  
蓄不思舊姻求爾新特成不以富亦秣以異

我行其野三章章六句

秩秩斯干幽幽南山如竹苞矣如松茂矣兄及弟  
矣式相好矣無相猶矣○似續妣祖築室百堵西  
南其戶爰居爰處爰笑爰語○約之閣閣椽之橐

干水涯也

似嗣也

萃尊大也

橐風雨攸除鳥鼠攸去君子攸芋○如跂斯翼如  
矢斯棘如鳥斯革如暈斯飛君子攸躋○殖殖其  
庭有覺其楹噲噲其正噦噦其冥君子攸寧○下  
莞上簟乃安斯寢乃寢乃興乃占我夢吉夢維何  
維熊維羆維虺維蛇○大人占之維熊維羆男子  
之祥維虺維蛇女子之祥○乃生男子載寢之牀  
載衣之裳載弄之璋其泣喤喤朱芾斯皇室家君  
王○乃生女子載寢之地載衣之裼載弄之瓦無  
非無儀唯酒食是議無父母詒羅

福祿也瓦  
紡織也

瑞草也



斯千九章四章章七句五章章五句

誰謂爾無羊三百維群誰謂爾無牛九十其犉爾  
羊來思其角濈濈爾牛來思其耳濕濕○或降于  
阿或飲于池或寢或訛爾牧來思何蓑何笠或負  
其篋三十維物爾牲則具○爾牧來思以薪以蒸  
以雌以雄爾羊來思矜矜兢兢不騫不崩麾之以  
肱畢來既升○牧人乃夢衆維魚矣旆維旗矣大  
人占之衆維魚矣實維豐年旆維旗矣室家溱溱  
無羊四章章八句

煖燔斬絕也

衡長為存通重也瘳病憊曾微也

空窮也任事罔欺殆危也臙音武厚也

備均閑息也

節彼南山維石巖巖赫赫師尹民具爾瞻憂心如  
惓不敢戲談國既卒斬何用不監○節彼南山有  
實其猗赫赫師尹不平謂何天方薦瘥喪亂弘多  
民言無嘉惜莫懲嗟○尹氏大師維周之氏秉國  
之均四方是維天子是毗俾民不迷不弔昊天不  
宜空我師○弗躬弗親庶民弗信弗問弗仕勿罔  
君子式夷式已無小人殆瑣瑣姻亞則無膺仕○  
昊天不備降此鞠訕昊天不惠降此大戾君子如  
屈俾民心闕君子如夷惡怒是違○不弔昊天亂



靡有定式月斯生俾民不寧憂心如醒誰秉國成  
不自為政卒勞百姓○駕彼四牡四牡項領我瞻  
四方蹙蹙靡所騁○方茂爾惡相爾矛矣既夷既  
憚如相醜矣○昊天不平我王不寧不懲其心覆怨  
其正○家父作誦以究王訕式訛爾心以畜萬邦

節南山十章六章章八句四章章四句

正月繁霜我心憂傷民之訛言亦孔之將念我獨  
兮憂心京京哀我小心瘼憂以瘳○父母生我胡  
俾我瘳不自我先不自我後好言自口莠言自口

憂憂幽憂  
孤痒病也

止也

憂心愈愈是以有悔○憂心惻惻念我無祿民之  
無辜并其臣僕哀我人斯于何從祿瞻烏爰止于  
誰之屋○瞻彼中林侯薪侯蒸民今方殆視天夢  
夢既克有定靡人弗勝有皇上帝伊誰云憎○謂  
山蓋卑為岡為陵民之訛言寧莫之懲召彼故老  
訊之占夢具曰予聖誰知烏之雌雄○謂天蓋高  
不敢不局謂地蓋厚不敢不踏維號斯言有倫有  
脊哀今之人胡為虺蜴○瞻彼阪田有苑其特天  
之抗我如不我克彼求我則如不我得執我仇仇

抗動也



威亦滅也

員益也

云旋也

天禍探害也

亦不我力。○心之憂矣，如或結之。今茲之正，胡為厲矣。燎之方揚，寧或滅之。赫赫宗周，褒姒威之。○終其永懷，又窘陰雨。其車既載，乃棄爾輔。載輸爾載，將伯助予。○無棄爾輔，員于爾輻。屢顧爾僕，不輸爾載。終踰絕險，曾是不意。○魚在于沼，亦匪克樂。潛雖伏矣，亦孔之炤。憂心慘慘，念國之為虐。○彼有旨酒，又有嘉殽。洽比其鄰，昏姻孔云。念我獨兮，憂心慙慙。○訶訶彼有，屋敷敷方。有穀民今之無祿，天天是掇。哿矣富人，哀此惇獨。

正月十三章八章章八句五章章六句

十月之交，朔日辛卯。日有食之，亦孔之醜。彼月而微，此日而微。今此下民，亦孔之哀。○日月告凶，不用其行。四國無政，不用其良。彼月而食，則維其常。此日而食，于何不臧。○燁燁震電，不寧不令。百川沸騰，山冢峩崩。高岸為谷，深谷為陵。哀今之人，胡憯莫懲。○皇父卿士，番維司徒。家伯冢宰，仲允膳夫。聚子內史，蹶維趣馬。棊維師氏，豔妻煽方處。○抑此皇父，豈曰不時。胡為我作，不即我謀。徹我牆



憇心不欲  
而自強之  
詞

嗜餘也  
重也  
羨餘也

概均也

大也

淪陷  
相  
猶備也

勤勞也

屋田卒汗萊曰予不戕禮則然矣○皇父孔聖作  
都于向擇三有事亶侯多藏不憇遺一老俾守我  
王擇有車馬以居徂向○黽勉從事不敢告勞無  
罪無辜讒口囂囂下民之孽匪降自天噂沓背憎  
職競由人○悠悠我里亦孔之痍四方有羨我獨  
居憂民莫不逸我獨不敢休天命不徹我不敢倣  
我友自逸

十月之交八章章八句

浩浩昊天不駿其德降喪饑饉斬伐四國旻天疾

威弗慮弗圖舍彼有罪既伏其辜若此無罪淪胥  
以鋪○周宗既滅靡所止戾正大夫離居莫知我  
勤三事大夫莫肯夙夜邦君諸侯莫肯朝夕庶曰  
式臧覆出為惡○如何昊天辟言不信如彼行邁  
則靡所臻凡百君子各敬爾身胡不相畏不畏于  
天○戎成不退飢成不遂曾我誓御憺憺日瘁凡  
百君子莫肯用訊聽言則答譖言則退○哀哉不  
能言匪舌是出維躬是瘁哿矣能言巧言如流俾  
躬處休○維曰于仕孔棘且殆云不可使得罪于



言  
天子亦云可使怨及朋友○謂爾遷于王都曰予  
未有室家鼠思泣血無言不疾昔爾出居誰從作  
爾室

兩無正七章二章章十句二章章八句三  
章章六句

小旻之什二之五

旻天疾威敷于下土謀猶回遘何日斯沮謀臧不  
從不臧覆用我視謀猶亦孔之邛○滄滄訛訛亦  
孔之哀謀之其臧則具是違謀之不臧則具是依

也  
四邪通辟

也  
經法經帶

我視謀猶伊于胡底○我龜既厭不我告猶謀夫  
孔多是用不集發言盈庭誰敢執其咎如匪行邁  
謀是用不得于道○哀哉爲猶匪先民是程匪大  
猶是經維邇言是聽維邇言是爭如彼築室于道  
謀是用不潰于成○國雖靡止或聖或否民雖靡  
旰或哲或謀或肅或艾如彼流泉無淪胥以敗○  
不敢暴虎不敢馮河人知其一莫知其他戰戰兢  
兢如臨深淵如履薄冰

小旻六章三章章八句三章章七句



宛彼鳴鳩。翰飛戾天。我心憂傷。念昔先人。明發不寐。有懷二人。○人之齊聖。飲酒溫克。彼昏不知。壹醉日富。各敬爾儀。天命不又。○中原有菽。庶民采之。螟蛉有子。蜾蠃負之。教誨爾子。式穀似之。○題彼脊令。載飛載鳴。我日斯邁。而月斯征。夙興夜寐。無忝爾所生。○交交桑扈。率場啄粟。哀我填寡。宜岸宜獄。握粟出卜。自何能穀。○溫溫恭人。如集于木。惴惴小心。如臨于谷。戰戰兢兢。如履薄冰。

小宛六章章六句

弁彼鸞斯。歸飛提提。民莫不穀。我獨于罹。何辜于天。我罪伊何。心之憂矣。云如之何。○踳踳周道。鞠爲茂草。我心憂傷。惄焉如擣。假寐永嘆。維憂用老。心之憂矣。疢如疾首。○維桑與梓。必恭敬止。靡瞻匪父。靡依匪母。不屬於毛。不離于裏。天之生我。我辰安在。○菀彼柳斯。鳴蜩嘒嘒。有漙者淵。萋萋淠淠。譬彼舟流。不知所屆。心之憂矣。不遑假寐。○鹿斯之奔。維足伎伎。雉之朝雊。尚求其雌。譬彼壞木。疾用無枝。心之憂矣。寧莫之知。○相彼投兔。尚或



禮也

辭報也  
倚以物倚  
其巖也  
隨其理也

他加也

猶大也慎  
審也

備音帶  
涵容受也  
沮止也

社喜也

餒進也

印病也  
莫定也

水草交謂  
之虞也  
履足

先之行有死人尚或瑾之君子秉心維其忍之心  
之憂矣涕既隕之○君子信讒如或疇之君子不  
惠不舒究之伐木荷矣析薪柶矣舍彼有罪予之  
佗矣○莫高匪山莫浚匪泉君子無易由言耳屬  
于垣無逝我梁無發我笱我躬不閱遑恤我後

小弁八章章八句

悠悠昊天曰父母且無罪無辜亂如此憮昊天已  
威予慎無罪昊天泰憮予慎無辜○亂之初生僭  
始既涵亂之又生君子信讒君子如怒亂庶遄沮

君子如社亂庶遄已○君子屢盟亂是用長君子  
信盜亂是用暴盜言孔甘亂是用餒匪其止共維  
王之印○奕奕寢廟君子作之秩秩大猷聖人莫  
之他人有心予忖度之躍躍龜兔遇犬獲之○荏  
染柔木君子樹之往來行言心焉數之蛇蛇碩言  
出自口矣巧言如簧顏之厚矣○彼何人斯居河  
之麋無拳無勇職為亂階既微且尫爾勇伊何為  
猶將多爾居徒幾何

巧言六章章八句



暴暴公豈  
內諸侯  
時弗大位  
也

陳堂塗也

攪擾亂也

肝音呼聲  
也易說也

土曰墟  
曰境

彼何人斯其心孔艱胡逝我梁不入我門伊誰云  
從維暴之云○二人從行誰為此禍胡逝我梁不  
入喧我始者不如今云不我可○彼何人斯胡逝  
我陳我聞其聲不見其身不愧于人 不畏于天○  
彼何人斯其為飄風胡不自北胡不自南胡逝我  
梁祇攪我心○爾之安行亦不遑舍爾之亟行遑  
脂爾車壹者之來云何其肝○爾還而入我心易  
也還而不入否難知也壹者之來俾我祇也○伯  
氏吹壘仲氏吹篳及爾如貫諒不我知出此三物

以詛爾斯○為鬼為蜮則不可得有覩面目視人  
罔極作此好歌以極反側

何人斯八章章六句

萋兮斐兮成是貝錦彼譖人者亦已大甚○哆兮  
侈兮成是南箕彼譖人者誰適與謀○緝緝翩翩  
謀欲譖人慎爾言也謂爾不信○捷捷幡幡謀欲  
譖言豈不爾受既其女遷○驕人好好勞人草草  
蒼天蒼天視彼驕人矜此勞人○彼譖人者誰適  
與謀取彼譖人投畀豺虎豺虎不食投畀有北有



倚音倚加也

北不受投畀有昊○楊園之道倚于畝丘寺人孟子作爲此詩凡百君子敬而聽之

巷伯七章四章章四句一章五句一章八句

一章六句

頽風之焚輪者也

習習谷風維風及雨將恐將懼維予與女將安將樂女轉棄予○習習谷風維風及頽將恐將懼寘予于懷將安將樂棄予如遺○習習谷風維山崔嵬無草不死無木不萎忘我大德思我小怨

谷風三章章六句

痺病也

鞠養也  
附者撫也  
循也畜亦  
養也腹懷  
抱也

蓼蓼者我匪我伊蒿哀哀父母生我劬勞○蓼蓼者我匪我伊蔚哀哀父母生我勞瘁○餅之罄矣維罍之恥鮮民之生不如死之久矣無父何怙無母何恃出則銜恤入則靡至○父兮生我母兮鞠我拊我畜我長我育我顧我復我出入腹我欲報之德昊天罔極○南山烈烈飄風發發民莫不穀我獨何害○南山律律飄風弗弗民莫不穀我獨不卒

蓼我六章四章章四句二章章八句



小東大東  
東方小大  
之國也行  
持緯者袖  
受經者也  
在也

憚勞也  
東人諸侯  
之人  
來音資慰  
松也西人  
京師人試  
用也

有饑饉殍有採棘匕周道如砥其直如矢君子所履小人所視瞻言顧之潛焉出涕○小東大東杼柚其空糾糾葛屨可以履霜佻佻公子行彼周行既往既來使我心疚○有冽洸泉無浸穫薪契契寤歎哀我憚人薪是穫薪尚可載也哀我憚人亦可息也○東人之子職勞不來西人之子粲粲衣服舟人之子熊羆是裘私人之子百僚是試○或以其酒不以其漿鞞鞞佩璲不以其長維天有漢監亦有光跂彼織女終日七襄○雖則七襄不成

報章既彼牽牛不以服箱東有啓明西有長庚有捄天畢載施之行○維南有箕不可以簸揚維北有斗不可以挹酒漿維南有箕載翕其舌維北有斗西柄之揭

大東七章章八句

四月維夏六月徂暑先祖匪人胡寧忍予○秋日淒淒百卉具腓亂離瘼矣奚其適歸○冬日烈烈飄風發發民莫不穀我獨何害○山有嘉卉侯栗侯梅廢為殘賊莫知其尤○相彼泉水載清載濁

廣病也



我日構禍曷云能穀○滔滔江漢南國之紀盡瘁  
以仕寧莫我有○匪鶉匪鳶翰飛戾天匪鱣匪鮪  
潛逃于淵○山有蕨薇隰有杞楸君子作歌維以  
告哀

四月八章章四句

北山之什二之六

陟彼北山言采其杞偕偕士子朝夕從事王事靡  
盥憂我父母○溥天之下莫非王土率土之濱莫  
非王臣大夫不均我從事獨賢○四牡彭彭王事

壯也

執掌夫容也

傍傍嘉我未老鮮我方將旅力方剛經營四方○  
或燕燕居息或盡瘁事國或息偃在牀或不已于  
行○或不知叫號或慘慘劬勞或栖遲偃仰或王  
事鞅掌○或湛樂飲酒或慘慘畏咎或出入風議  
或靡事不為

北山六章三章章六句三章章四句

無將大車祇自塵兮無思百憂祇自疢兮○無將  
大車維塵冥冥無思百憂不出于頰○無將大車  
維塵雖兮無思百憂祇自重兮

將進也疾  
病也  
頰與耿同  
小明也  
難猶蔽也



無將大車三章章四句

明明上天照臨下土我征徂西至于朞野二月初  
 吉載離寒暑心之憂矣其毒大苦念彼共人涕零  
 如雨豈不懷歸畏此罪罟○昔我往矣日月方除  
 曷云其還歲聿云莫念我獨兮我事孔庶心之憂  
 矣憚我不暇念彼共人惓惓懷顧豈不懷歸畏此  
 譴怒○昔我往矣日月方與曷云其還政事愈蹙  
 歲聿云莫采蕭穫菽心之憂矣自詒伊戚念彼共  
 人興言出宿豈不懷歸畏此反覆○嗟爾君子無

履勞也一  
與暖也感  
急也

恒安處靖共爾位正直是與神之聽之式穀以女  
 ○嗟爾君子無恒安息靖共爾位好是正直神之  
 聽之介爾景福

小明五章三章章十二句二章章六句

鼓鐘將將淮水湯湯憂心且傷淑人君子懷允不  
 忘○鼓鐘喈喈淮水潏潏憂心且悲淑人君子其  
 德不回○鼓鐘伐鼗淮有三洲憂心且妯淑人君  
 子其德不猶○鼓鐘欽欽鼓瑟鼓琴笙磬同音以  
 雅以南以龠不僭

妯動也  
猶若也  
雅大小雅  
南二南  
箏舞僭亂  
也



言錄  
鼓鐘四章章五句

楚楚者茨言抽其棘自昔何為我執黍稷我黍與  
與我稷翼翼我倉既盈我庾維億以為酒食以饗  
以祀以妥以侑以介景福○濟濟跄跄絜爾牛羊  
以往烝嘗或剝或亨或肆或將祝祭于祊祀事孔  
明先祖是皇神保是饗孝孫有慶報以介福萬壽  
無疆○執爨踏踏為俎孔碩或燔或炙君婦莫莫  
為豆孔庶為賓為客獻酬交錯禮儀卒度笑語卒  
獲神保是格報以介福萬壽攸酢○我孔熯矣式

熯渴也

禮莫愆工祝致告徂賚孝孫苾芬孝祀神嗜飲食

卜于幾期  
式法稷疾  
敷戒也

卜爾百福如幾如式既齊既稷既匡既敕永錫爾  
極時萬時億○禮儀既備鐘鼓既戒孝孫徂位工  
祝致告神具醉止皇尸載起鼓鐘送尸神保聿歸  
諸宰君婦廢徹不遲諸父兄弟備言燕私○樂具  
入奏以綏後祿爾敬既將莫怨具慶既醉既飽小  
大稽首神嗜飲食使君壽考孔惠孔時維其盡之  
子子孫孫勿替引之

楚茨六章章十二句

寺經

卷下

楚



甸汴也

霖霖小  
貌

道厥菜也

膏脂膏也

倬音卓明  
良甫大也

髦俊也  
齊與案同  
禮綴曰明  
染  
御迎也

穀養也  
據取易治  
長竟有多  
也

坻水中之  
高地箱車  
箱也

信彼南山維禹甸之昫昫原隰曾孫田之我疆我  
 理南東其畝○上天同雲雨雪雰雰益之以霖霖  
 既優既渥既霑既足生我百穀○疆場翼翼黍稷  
 或或曾孫之穡以為酒食畀我尸賓壽考萬年○  
 中田有廬疆場有瓜是剝是蕘獻之皇祖曾孫壽  
 考受天之祜○祭以清酒從以騂牡享于祖考執  
 其鸞刀以啓其毛取其血膋○是烝是享苾苾芬  
 芬祀事孔明先祖是皇報以介福萬壽無疆

信南山六章章六句

倬彼甫田歲取十千我取其陳食我農人自古有  
 年今適南畝或耘或耔黍稷薿薿攸介攸止烝我  
 髦士○以我齊明與我犧羊以社以方我田既臧  
 農夫之慶琴瑟擊鼓以御田祖以祈甘雨以介我  
 稷黍以穀我士女○曾孫來止以其婦子饁彼南  
 畝田畯至喜攘其左右嘗其旨否禾易長畝終善  
 且有曾孫不怒農夫克敏○曾孫之稼如茨如梁  
 曾孫之庾如坻如京乃求千斯倉乃求萬斯箱黍  
 稷稻粱農夫之慶報以介福萬壽無疆



種擇其種也戒飭其具也豐利椒始載車庭直碩大若順也謂方房也謂享甲始生而未合時也阜實未堅者

穡束也

秉把也滯亦遺棄之意也

茨積也韎茅蒐所塗也韎韎赤也韎韎也韎韎也韎韎也

甫田四章章十句

大田多稼既種既戒既備乃事以我覃耜俶載南畝播厥百穀既庭且碩曾孫是若○既方既皂既堅既好不狼不莠去其螟螣及其蟊賊無害我田穡田祖有神秉畀炎火○有渰萋萋興雨祁祁雨我公田遂及我私彼有不穫穡此有不斂穧彼有遺秉此有滯穗伊寡婦之利○曾孫來止以其婦子饁彼南畝田峻至喜來方禋祀以其騂黑與其黍稷以享以祀以介景福

大田四章二章章八句二章章九句

瞻彼洛矣維水泱泱君子至止福祿如茨韎韎有奭以作六師○瞻彼洛矣維水泱泱君子至止韎韎有珌君子萬年保其家室○瞻彼洛矣維水泱泱君子至止福祿既同君子萬年保其家邦

瞻彼洛矣三章章六句

裳裳者華其葉湑兮我觀之子我心寫兮我心寫兮是以有譽處兮○裳裳者華芸其黃矣我觀之子維其有章矣維其有章矣是以有慶矣○裳裳

詩經

卷下

卷下



者華或黃或白我覲之子乘其四駱乘其四駱六  
轡沃若○左之左之君子宜之右之右之君子有  
之維其有之是以似之

裳裳者華四章章六句

桑扈之什二之七

交交桑扈有鶯其羽君子樂胥受天之祜○交交  
桑扈有鶯其領君子樂胥萬邦之屏○之屏之翰  
百辟為憲不戢不難受福不那○兕觥其觶旨酒  
思柔彼交匪敖萬福來求

意法戰飲  
難慎那多  
也  
思語詞

鴛鴦四章章四句

鴛鴦于飛畢之羅之君子萬年福祿宜之○鴛鴦  
在梁戢其左翼君子萬年宜其遐福○乘馬在廐  
摧之秣之君子萬年福祿艾之○乘馬在廐秣之  
摧之君子萬年福祿綏之

羅罔也畢  
小罔長柄  
者

摧坐也秣  
粟也艾養  
也

鴛鴦四章章四句

有頍者弁實維伊何爾酒既旨爾殽既嘉豈伊異  
人兄弟匪他焉與女蘿施于松柏未見君子憂心  
奕奕既見君子庶幾說懌○有頍者弁實維何期

何期猶伊  
何也



車軸頭  
鐵也  
括會也

爾酒既旨爾殽既時豈伊異人兄弟具來  
蔦與女蘿施于松上未見君子憂心忼忼既見君子庶幾  
有臧○有頍者弁實維在首爾酒既旨爾殽既臯  
豈伊異人兄弟甥舅如彼雨雪先集維霰死喪無  
日無幾相見樂酒今夕君子維宴

頍弁三章章十二句

間關車之牽兮思變季女逝兮匪飢匪渴德音來  
括雖無好友式燕且喜○依彼平林有集維鷦辰  
彼碩女令德來教式燕且譽好爾無射○雖無旨

附也

酒式飲庶幾雖無嘉殽式食庶幾雖無德與女式  
歌且舞○陟彼高岡折其柞薪折其柞薪其葉湑  
兮鮮我覲爾我心寫兮○高山仰止景行行止四  
牡駢駢六轡如琴覲爾新昏以慰我心

車牽五章章六句

營營青蠅止于樊豈弟君子無信讒言○營營青  
蠅止于棘讒人罔極交亂四國○營營青蠅止于  
榛讒人罔極構我二人

青蠅三章章四句

詩經

卷下

詩

糺合也  
猶  
交亂也



借音皆齊也

燕進行樂也  
大鼓盛  
振盪湛歌  
樂於音拘  
讀為辨也

賓之初筵左右秩秩邊豆有楚穀核維旅酒既和  
旨飲酒孔偕鐘鼓既設舉疇逸逸大侯既抗弓矢  
斯張射夫既同獻爾發功發彼有的以祈爾爵  
簫舞笙鼓樂既和奏烝衍烈祖以洽百禮百禮既  
至有壬有林錫爾純嘏子孫其湛其湛曰樂各奏  
爾能賓載手仇室人入又酌彼康爵以奏爾時  
賓之初筵溫溫其恭其未醉止威儀反反曰既醉  
止威儀幡幡舍其坐遷屢舞僊僊其未醉止威儀  
抑抑曰既醉止威儀忸忸是曰既醉不知其秩

傲之狀

儀也

賓既醉止載號載呶亂我邊豆屢舞傲傲是曰既  
醉不知其郵側弁之俄屢舞僊僊既醉而出並受  
其福醉而不出是謂伐德飲酒孔嘉維其令儀  
凡此飲酒或醉或否既立之監或佐之史彼醉不  
臧不醉反恥式勿從謂無俾大怠匪言勿言匪由  
勿語由醉之言俾出童叟三爵不識矧敢多又

賓之初筵五章章十四句

魚在在藻有頒其首王在在鎬豈樂飲酒○魚在  
在藻有莘其尾王在在鎬飲酒樂豈○魚在在藻

詩經

卷之六

卷之六



言經  
依于其蒲王在在鎬有那其居

魚藻三章章四句

采菽采菽筐之筥之君子來朝何錫予之雖無予  
之路車乘馬又何予之玄衮及黼○鬲泝楹泉言  
采其芹君子來朝言觀其旂其旂泝泝鸞聲嘒嘒  
載驂載駟君子所屆○赤芾在股邪幅在下彼交  
匪紆天子所予樂只君子天子命之樂只君子福  
祿申之○維柞之枝其葉蓬蓬樂只君子殿天子  
之邦樂只君子萬福攸同平平左右亦是率從○

那其居

鬲泝泉出  
也

邪幅  
也

交

交

維皆繫也  
厚也

汎汎揚舟紼纜維之樂只君子天子葵之樂只君  
子福祿脫之優哉游哉亦是戾矣

采菽五章章八句

駢駢角弓翩其反矣兄弟昏姻無胥遠矣○爾之  
遠矣民胥然矣爾之教矣民胥傲矣○此令兄弟  
綽綽有裕不令兄弟交相為瘡○民之無良相怨  
一方受爵不讓至于已斯亡○老馬反為駒不顧  
其後如食宜餽如酌孔取○母教猥升木如塗塗  
附君子有徽猷小人與屬○雨雪漙漙見晁日消

爾之

餽也  
塗泥也  
美猷道  
也



莫肯下遺式居婁驕○雨雪浮浮見睨日流如蠶  
如髦我是用憂

角弓八章章四句

有苑者柳不尚息焉上帝甚蹈無自暱焉俾予靖  
之後予極焉○有苑者柳不尚惕焉上帝甚蹈無  
自瘵焉俾予靖之後予邁焉○有鳥高飛亦傳于  
天彼人之心于何其臻曷予靖之居以凶矜

苑柳三章章六句

都人士之什二之八

細撮編布  
冠也

拖音韞猶  
屈也積也

旗揚也盱  
望也

彼都人士狐裘黃黃其容不改出言有章行歸于  
周萬民所望○彼都人士臺笠緇撮彼君子女綢  
直如髮我不見兮我心不說○彼都人士充耳琇  
實彼君子女謂之尹吉我不見兮我心苑結○彼  
都人士垂帶而厲彼君子女卷髮如蠶我不見兮  
言從之邁○匪伊垂之帶則有餘匪伊卷之髮則  
有旗我不見兮云何盱矣

都人士五章章六句

終朝采綠不盈一匊予髮曲局薄言歸沐○終朝



衣蔽前謂  
之禱即故  
勝也唐與  
勝同

采藍不盈一襜五日為期六日不詹○之子于狩  
言載其弓之子于釣言綸之繩○其釣維何維魴  
及鱖維魴及鱖薄言觀者

采綠四章章四句

芄芄黍苗陰雨膏之悠悠南行召伯勞之○我任  
我輦我車我牛我行既集蓋云歸哉○我徒我御  
我師我旅我行既集蓋云歸處○肅肅謝功召伯  
營之烈烈征師召伯成之○原隰既平泉流既清  
召伯有成王心則寧

集成也

音澤也

黍苗五章章四句

隰桑有阿其葉有難既見君子其樂如何○隰桑  
有阿其葉有沃既見君子云何不樂○隰桑有阿  
其葉有幽既見君子德音孔膠○心乎愛矣遐不  
謂矣中心藏之何日忘之

膠固也

遠與何同

隰桑四章章四句

白華菅兮白茅束兮之子之遠俾我獨兮○英英  
白雲露彼菅茅天步艱難之子不猶○澎池北流  
浸彼稻田嘯歌傷懷念彼碩人○樵彼桑新印烘

印我烘燂也

寺經

卷六

卷六



無金之

于焜維彼碩人實勞我心○鼓鐘于宮聲聞于外  
念子惓惓視我邁邁○有鷺在梁有鶴在林維彼  
碩人實勞我心○鴛鴦在梁戢其左翼之子無良  
二三其德○有扁斯石履之卑兮之子之遠俾我  
疾兮

白華八章章四句

緜蠻黃鳥止于丘阿道之云遠我勞如何飲之食  
之教之誨之命彼後車謂之載之○緜蠻黃鳥止  
于丘隅豈敢憚行畏不能趨飲之食之教之誨之  
之載之

緜蠻三章章八句

幡幡瓠葉采之亨之君子有酒酌言嘗之○有兔  
斯首炮之燔之君子有酒酌言獻之○有兔斯首  
燔之炙之君子有酒酌言酢之○有兔斯首燔之  
炮之君子有酒酌言醕之

瓠葉四章章四句

寺五

卷下

五



也  
滿蹄蒸衆

言  
漸漸之石維其高矣。山川悠遠維其勞矣。武人東征不遑朝矣。○漸漸之石維其卒矣。山川悠遠曷其沒矣。武人東征不遑出矣。○有豕白蹄。烝涉波矣。月離于畢。俾滂沱矣。武人東征不遑他矣。

漸漸之石三章章六句

茗之華。芸其黃矣。心之憂矣。維其傷矣。○茗之華。其葉青青。知我如此。不如無生。○牂羊羶首。三星在罽。人可以食。鮮可以飽。

茗之華三章章四句

何草不黃。何日不行。何人不將。經營四方。○何草不玄。何人不矜。哀我征夫。獨為匪民。○匪兕匪虎。率彼曠野。哀我征夫。朝夕不暇。○有芃者狐。率彼幽草。有棧之車。行彼周道。

何草不黃四章章四句

大雅三

文王之什三之一

文王在上。於昭于天。周雖舊邦。其命維新。有周不顯。帝命不時。文王陟降。在帝左右。○亶亶文王。令

寺  
五

卷  
六



陳猶敷也

緝續熙明  
假大也  
麗敷也  
膚美敏疾  
裸灌鬯將  
行也

黼黻裳  
也  
殷冠蓋進

過絕也

聞不已陳錫哉周侯文王孫子文王孫子本支百  
世凡周之士不顯亦世○世之不顯厥猶翼翼思  
皇多士生此王國王國克生維周之楨濟濟多士  
文王以寧○穆穆文王於緝熙敬止假哉天命有  
商孫子商之孫子其麗不億上帝既命侯于周服  
○侯服于周天命靡常殷士膚敏裸將于京厥作  
裸將常服黼冔王之蓋臣無念爾祖○無念爾祖  
聿修厥德永言配命自求多福殷之未喪師克配  
上帝宜鑒于殷駿命不易○命之不易無遏爾躬

宣昭義問有虞殷自天上天之載無聲無臭儀刑  
文王萬邦作孚

文王七章章八句

忱信也

殷適殷之  
適嗣也

明明在下赫赫在上天難忱斯不易維王天位殷  
適使不挾四方○摯仲氏任自彼殷商來嫁于周  
曰嬪于京乃及王季維德之行大任有身生此文  
王○維此文王小心翼翼昭事上帝聿懷多福厥  
德不回以受方國○天監在下有命既集文王初  
載天作之合在洽之陽在渭之涘文王嘉止大邦

合配也



也 倪說文璧

變和也

矢陳也

涼漢書作 亮佐助也 肆縱兵也 會朝會戰 之且也

陶窰窰復 重空地土 室也

契所以然 久而灼龜 者也

縮束也 揀盛土於 罪也

肆猶言遂 也 殄絕也 問 聞通

詩經

有子○大邦有子倪天之妹文定厥祥親迎于渭  
造舟為梁不顯其光○有命自天命此文王于周  
于京纘女維莘長子維行篤生武王保右命爾燮  
伐大商○殷商之旅其會如林矢于牧野維予侯  
興上帝臨女無貳爾心○牧野洋洋檀車煌煌駟  
騶彭彭維師尚父時維鷹揚涼彼武王肆伐大商  
會朝清明

大明八章四章章六句四章章八句

縣縣瓜瓞民之初生自土沮漆古公亶父陶復陶

穴未有家室○古公亶父來朝走馬率西水滸至  
于岐下爰及姜女聿來胥宇○周原膺膺董荼如  
飴爰始爰謀爰契我龜曰止曰時築室于茲○迺  
慰迺止迺左迺右迺疆迺理迺宜迺畝自西徂東  
周爰執事○乃召司空乃召司徒俾立室家其繩  
則直縮版以載作廟翼翼○揀之陜陜度之薨薨  
築之登登削屨馮馮百堵皆興鼙鼓弗勝○迺立  
臯門臯門有伉迺立應門應門將將迺立冢土戎  
醜攸行○肆不殄厥愠亦不隕厥問柞械拔矣行

詩經

卷二下

三



允通駝突  
喙息也

道兌矣。混夷駝矣。維其喙矣。○虞芮質厥成。文王  
蹶厥生。予曰有疏附。予曰有先後。予曰有奔奏。予  
曰有禦侮。

縣九章章六句

芄芄棫樸。新之想之。濟濟辟王。左右趣之。○濟濟  
辟王。左右奉璋。奉璋峩峩。髦士攸宜。○溥彼涇舟。  
烝徒楫之。周王于邁。六師及之。○倬彼雲漢。爲章  
于天。周王壽考。遐不作人。○追琢其章。金玉其相。  
勉勉我王。綱紀四方。

無積也

棫樸五章章四句

瞻彼旱麓。榛楛濟濟。豈弟君子。千祿豈弟。○瑟彼  
玉瓚。黃流在中。豈弟君子。福祿攸降。○鳶飛戾天。  
魚躍于淵。豈弟君子。遐不作人。○清酒既載。騂牡  
既備。以享以祀。以介景福。○瑟彼柞棫。民所燎矣。  
豈弟君子。神所勞矣。○莫莫葛藟。施于條枚。豈弟  
君子。求福不回。

黃流棫樸也

旱麓六章章四句

思齊大任。文王之母。思媚周姜。京室之婦。大妣嗣

禮也



惻痛也

御迎也

聖名也  
後也

莫定也者  
致也增也  
作增式郭  
猶言規模  
蓄水立死  
者自樂

澆養生者  
初行生者

新樂記作  
莫謂其莫  
然清靜也  
比親也此  
干至干也  
畔離畔援  
之動也美  
愛慕也

言糸

徽音則百斯男○惠于宗公神罔時怨神罔時恫  
刑于寡妻至于兄弟以御于家邦○雖雖在宮肅  
肅在廟不顯亦臨無射亦保○肆戎疾不殄烈假  
不瑕不聞亦式不諫亦入○肆成人有德小子有  
造古之人無斃譽髦斯士

思齊五章二章章六句三章章四句

皇矣上帝臨下有赫監觀四方求民之莫維此二  
國其政不獲維彼四國爰究爰度上帝耆之憎其  
式廓乃眷西顧此維與宅○作之屏之其蓄其翳

修之平之其灌其柵啓之辟之其揅其据攘之剔  
之其燬其拓帝遷明德申夷載路天立厥配受命  
既固○帝省其山柞棫斯拔松柏斯兌帝作邦作  
對自大伯王季維此王季因心則友則友其兄則  
篤其慶載錫之光受祿無喪奄有四方○維此王  
季帝度其心貊其德音其德克明克明克類克長  
克君王此大邦克順克比比于文王其德靡悔既  
受帝祉施于孫子○帝謂文王無然畔援無然歆  
羨誕先登于岸密人不恭敢距大邦侵阮徂共王

寺

卷六

四



將側方鄉也  
鉤接鉤梯  
所謂雲梯  
臨衝臨車  
衝車訊賊  
首也  
誠割耳也  
類將出師  
祭上帝也  
禱至所征  
之地而祭  
如造軍法  
者也肆縱  
忽滅也

赫斯怒爰整其旅以按徂旅以篤于周祜以對于  
天下○依其在京侵自阮疆陟我高岡無矢我陵  
我陵我阿無飲我泉我泉我池度其鮮原居岐之  
陽在渭之將萬邦之方下民之王○帝謂文王予  
懷明德不大聲以色不長夏以革不識不知順帝  
之則帝謂文王詢爾仇方同爾兄弟以爾鉤接與  
爾臨衝以伐崇墉○臨衝閑閑崇墉言言執訊連  
連攸馘安安是類是禡是致是附四方以無侮臨衝  
茀茀崇墉仡仡是伐是肆是絕是忽四方以無拂

皇矣八章章十二句

經始靈臺經之營之庶民攻之不日成之經始勿  
亟庶民子來○王在靈囿麋鹿攸伏麋鹿濯濯白  
鳥翯翯王在靈沼於物魚躍○虛業維樅貢鼓維  
鏞於論鼓鐘於樂辟靡○於論鼓鐘於樂辟靡鼉  
鼓逢逢矇瞍奏公

靈臺四章二章章六句二章章四句

下武維周世有哲王三后在天王配于京○王配  
于京世德作求永言配命成王之孚○成王之孚

於語詞切  
滿也  
虛業懸鐘  
也  
擊鼎論倫



來後世也  
許猶所繩  
繼武述也

下土之式永言孝思孝思維則○媚茲一人應侯  
順德永言孝思昭哉嗣服○昭茲來許繩其祖武  
於萬斯年受天之祜○受天之祜四方來賀於萬  
斯年不遐有佐

下武六章章四句

烝君也

文王有聲適駿有聲適求厥寧適觀厥成文王烝  
哉○文王受命有此武功既伐于崇作邑于豐文  
王烝哉○築城伊滅作豐伊匹匪棘其欲適追來  
孝王后烝哉○王公伊濯維豐之垣四方攸同王

滅城溝也  
匹稱也棘  
急也  
公功濯著  
明也

任事燕安  
翼機也

后維翰王后烝哉○豐水東注維禹之績四方攸  
同皇王維辟皇王烝哉○鎬京辟靡自西自東自  
南自北無思不服皇王烝哉○考卜維王宅是鎬  
京維龜正之武王成之武王烝哉○豐水有芑武  
王豈不仕詒厥孫謀以燕翼子武王烝哉  
文王有聲八章章五句

生民之什三之二

厥初生民時維姜嫄生民如何克禋克祀以弗無  
子履帝武敏歆攸介攸止載震載夙載生載育時

弗之言後  
也  
武述敏抑  
歆動介大  
震振夙肅  
育養也



誕發語辭  
彌終先生  
首正也達  
小羊坵副  
皆裂也  
腓光字愛  
也  
也  
長訂大也  
載滿也  
岐巖峻後  
之兒  
就樹也

蕪治也  
方房苞甲  
而未圻也  
蕪漸長也

恒偏也

掄曰也  
叙浙米也  
較祭行神  
也

印我也  
居安也神  
食氣曰散

緝續御侍  
也

維后稷○誕彌厥月先生如達不圻不副無苗無

害以赫厥靈上帝不寧不康禋祀居然生子○誕

寘之隘巷牛羊腓字之誕寘之平林會伐平林誕

寘之寒冰鳥覆翼之鳥乃去矣后稷呱矣實覃實

訏厥聲載路○誕實匍匐克岐克嶷以就口食執

之荏菹荏菹施施禾役穰穰麻麥幪幪瓜瓞嗶嗶

○誕后稷之穡有相之道弗厥豐草種之黃茂實

方實苞實種實裒實發實秀實堅實好實頽實栗

卽有邠家室○誕降嘉種維秬維秠維糜維芑恒

之秬秠是獲是畝恒之糜芑是任是負以歸肇祀

○誕我祀如何或春或榆或籩或蹂釋之叟叟烝

之浮浮載謀載惟取蕭祭脂取羝以較載燔載烈

以興嗣歲○印盛于豆于豆于登其香始升上帝

居歆胡臭宣時后稷肇祀庶無罪悔以迄于今

生民八章四章章十句四章章八句

敦彼行葦牛羊勿踐履方苞方體維葉泥泥戚戚

兄弟莫遠具爾或肆之筵或授之几○肆筵設席

授几有緝御或獻或酢洗爵奠斝醢醢以薦或燔

寺經



膝口上因也徒擊鼓曰罍引滿也醕厚也白貽也大老則皆有給文祺吉也

言終  
或炙嘉穀脾臄或歌或罍○敦弓既堅四鍤既鈞  
舍矢既均序賓以賢敦弓既句既挾四鍤四鍤如  
樹序賓以不侮○曾孫維主酒醴維醑酌以大斗  
以祈黃耇黃耇台背以引以翼壽考維祺以介景福

行葦四章章八句

既醉以酒既飽以德君子萬年介爾景福○既醉  
以酒爾殽既將君子萬年介爾昭明○昭明有融  
高朗令終令終有俶公尸嘉告○其告維何邊豆  
靜嘉朋友攸攝攝以威儀○威儀孔時君子有孝

置滿類也也壺官中之巷也

子孝子不匱永錫爾類○其類維何室家之壺君  
子萬年永錫祚胤○其胤維何天被爾祿君子萬  
年景命有僕○其僕維何釐爾女士釐爾女士從  
以孫子

既醉八章章四句

鳧鷖在涇公尸來燕來寧爾酒既清爾殽既馨公  
尸燕飲福祿來成○鳧鷖在沙公尸來燕來宜爾  
酒既多爾殽既嘉公尸燕飲福祿來爲○鳧鷖在  
渚公尸來燕來處爾酒既清爾殽伊脯公尸燕飲

爲助也

詩經



言終  
福祿來下○鳧鷖在梁公尸來燕來宗既燕于宗  
福祿攸降公尸燕飲福祿來崇○鳧鷖在壘公尸  
來止熏熏旨酒欣欣燔炙芬芬台燕飲無有後艱

鳧鷖五章章六句

假樂君子顯顯令德宜民宜人受祿于天保右命  
之自天申之○于祿百福子孫千億穆穆皇皇宜  
君宜王不愆不忘率由舊章○威儀抑抑德音秩  
秩無怨無惡率由羣匹受福無疆四方之綱○之  
綱之紀燕及朋友百辟卿士媚于天子不解于位

民之攸暨

假樂四章章六句

篤公劉匪居匪康迺場迺疆迺積迺倉迺裹餼糧  
于橐于囊思輯用光弓矢斯張干戈戚揚爰方啓  
行○篤公劉于胥斯原既庶既繁既順迺宜而無  
永嘆陟則在嶽復降在原何以舟之維玉及瑶鞞  
琫容刀○篤公劉逝彼百泉瞻彼溥原迺陟南岡  
乃覲于京京師之野于時處處于時廬旅于時言  
言于時語語○篤公劉于京斯依踳踳濟濟俾筵

舟帶也鞞刀鞘琫刀上飾容飾之刀也溥大也

威斧揚鉞也  
宜備也







言部  
卷下  
為則。○顛顛印印如圭如璋。令聞令望。豈弟君子。四方為綱。○鳳凰于飛。翾翾其羽。亦集爰止。藹藹王多吉士。維君子使。媚于天子。○鳳凰于飛。翾翾其羽。亦傳于天。藹藹王多吉人。維君子命。媚于庶人。○鳳凰鳴矣。于彼高岡。梧桐生矣。于彼朝陽。萋萋離離。喈喈。○君子之車。既庶且多。君子之馬。既閑且馳。夫詩不多。維以遂歌。

卷阿十章六章章五句四章章六句

民亦勞止。汔可小康。惠此中國。以綏四方。無縱詭

汔幾也詭隨不類是非而妄遊人也  
速聚也

隨以謹。無良式。遏寇虐。惛不畏。明柔遠。能邇以定。我王。○民亦勞止。汔可小休。惠此中國。以為民逯。無縱詭。隨以謹。惛忒。式遏寇虐。無俾民憂。無棄爾勞。以為王休。○民亦勞止。汔可小息。惠此京師。以綏四國。無縱詭。隨以謹。罔極。式遏寇虐。無俾作慝。敬慎威儀。以近有德。○民亦勞止。汔可小愒。惠此中國。俾民憂泄。無縱詭。隨以謹。醜厲。式遏寇虐。無俾正敗。戎雖小子。而式弘大。○民亦勞止。汔可小安。惠此中國。國無有殘。無縱詭。隨以謹。繾綌。式遏

惛忒猶謹也  
渴息也  
泄去也  
戎汝也  
繾綌小人之固結其君者也

詩經

卷下

四下



詩經 卷下  
寇虐無俾正反王欲玉女是用大諫

民勞五章章十句

上帝板板下民卒瘁出話不然為猶不遠靡聖管  
管不實於亶猶之未遠是用大諫○天之方難無  
然憲憲天之方蹶無然泄泄辭之輯矣民之治矣  
辭之慄矣民之莫矣○我雖異事及爾同僚我即  
爾謀聽我賢聳我言維服勿以為笑先民有言詢  
于芻蕘○天之方虐無然謏謏老夫灌灌小子躋  
躋匪我言耄爾用憂謏多將熇熇不可救藥○天

痺病也

憐怒每大  
毗附也  
殿屎咄  
也  
葵授茂  
也  
庸開明也

王徃通且  
明也衍  
意

之方濟無為夸毗威儀卒迷善人載尸民之方殿  
屎則莫我敢葵喪亂蔑資曾莫惠我師○天之牖  
民如墀如篲如璋如圭如取如攜攜無曰益牖民  
孔易民之多辟無自立辟○价人維藩大師維垣  
大邦維屏大宗維翰懷德維寧宗子維城無俾城  
壞無獨斯畏○敬天之怒無敢戲豫敬天之渝無  
敢馳驅昊天曰明及爾出王昊天曰且及爾游衍

板八章章八句

蕩之什三之三

詩經



辟上音壁  
君也下音  
僻疾威種  
暴虐也

彊禦暴虐  
之臣格克  
聚斂之臣  
怕慢也

蕩蕩上帝。下民之辟。疾威上帝。其命多辟。天生烝  
民。其命匪謚。靡不有初。鮮克有終。○文王曰咨咨  
女殷商。曾是彊禦。曾是掎克。曾是在位。曾是在服。  
天降怕德。女興是力。○文王曰咨咨女殷商。而秉  
義類。彊禦多懟。流言以對。寇攘式內。侯作侯祝。靡  
屆靡究。○文王曰咨咨女殷商。女無德于中國。斂  
怨以為德。不明爾德。時無背無側。爾德不明。以無  
陪無卿。○文王曰咨咨女殷商。天不洹爾。以酒不  
義從式。既愆爾止。靡明靡晦。式號式呼。俾晝作夜。

吳怒也

種猶絕也

號發也

○文王曰咨咨女殷商。如蜩如蟴。如沸如羹。小大  
近喪人。尚乎由行。內爨于中國。覃及鬼方。○文王  
曰咨咨女殷商。匪上帝不時。殷不用舊。雖無老成  
人。尚有典刑。曾是莫聽。大命以傾。○文王曰咨咨  
女殷商。人亦有言。顛沛之揭。枝葉未有害。本實先  
撥。殷鑒不遠。在夏后之世。

蕩八章章八句

抑抑威儀。維德之隅。人亦有言。靡哲不愚。庶人之  
愚。亦職維疾。哲人之愚。亦維斯戾。○無競維人。四

詩經

卷下

四



興尚也

方其訓之有覺德行四國順之訐謨定命遠猶辰  
告敬慎威儀維民之則○其在于今興迷亂于政  
顛覆厥德荒湛于酒女雖湛樂從弗念厥紹罔敷  
求先王克共明刑○肆皇天弗尚如彼流泉無淪  
胥以亡夙興夜寐洒掃廷內維民之章修爾車馬  
弓矢戎兵用戒戎作用邊蠻方○質爾人民謹爾  
侯度用戒不虞慎爾出話敬爾威儀無不柔嘉白  
圭之玷尚可磨也斯言之玷不可為也○無易由  
言無曰苟矣莫捫朕舌言不可逝矣無言不讐無

也  
成也定  
也  
侯度諸侯  
所守之法  
度也

虹潰也

德不報惠于朋友庶民小子子孫繩繩萬民靡不  
承○視爾友君子輯柔爾顏不遐有愆相在爾室  
尚不愧于屋漏無曰不顯莫予云覲神之格思不  
可度思矧可射思○辟爾為德俾臧俾嘉淑慎爾  
止不愆于儀不僭不賊鮮不為則投我以桃報之  
以李彼童而角實虹小子○荏苒柔木言縉之絲  
溫溫茶人維德之基其維哲人告之話言順德之  
行其維愚人覆謂我僭民各有心○於乎小子未  
知臧否匪手攜之言示之事匪面命之言提其耳

詩經

卷一

詩



借曰未知亦既抱子民之靡盈誰夙知而莫成○  
 昊天孔昭我生靡樂視爾夢夢我心慘慘誨爾諄  
 諄聽我藐藐匪用為教覆用為虐借曰未知亦聿  
 既老○於乎小子告爾舊止聽用我謀庶無大悔  
 天方艱難曰喪厥國取譬不遠昊天不忒回遹其  
 德俾民大棘

通僻也

棘急也

抑十二章三章章八句九章章十句

有偏也劉殘也

苑彼桑柔其下侯甸捋采其劉瘼此下民不殄心  
 憂倉兄填兮倬彼昊天寧不我矜○四牡騤騤旗

類急感也將養也疑定也

梗病也俾厚也

瘠病也

愍慎况滋

邇鄉也優吧也

也肅進非使

旐有翩亂生不夷靡國不泯民靡有黎具禍以燼  
 於乎有哀國步斯頻○國步蔑資天不我將靡所  
 止疑云徂何往君子實維秉心無競誰生厲階至  
 今為梗○憂心愍愍念我土宇我生不辰逢天俾  
 怒自西徂東靡所定處多我覲瘠孔棘我園○為  
 謀為愆亂况斯削告爾憂恤誨爾序爵誰能執熱  
 逝不以濯其何能淑載胥及溺○如彼逝風亦孔  
 之僂民有肅心莽云不逮好是稼穡力民代食稼  
 穡維寶代食維好○天降喪亂滅我立王降此蝨



贅屬也言危也

谷窮也

職事原諱為也細滿邪僻也戾定也

昭光也

詩經

卷一

賊稼穡卒痒哀恫中國具贅卒荒靡有旅力以念  
 穹蒼○維此惠君民人所瞻秉心宣猶考慎其相  
 維彼不順自獨俾臧自有肺腸俾民卒在○瞻彼  
 中林牲牲其鹿朋友已譖不胥以穀人亦有言進  
 退維谷○維此聖人瞻言百里維彼愚人覆在以  
 喜匪言不能胡斯畏忌○維此良人弗求弗迪維  
 彼忍心是顧是復民之貪亂寧為荼毒○大風有  
 隧有空大谷維此良人作為式穀維彼不順征以  
 中垢○大風有隧貪人敗類聽言則對誦言如醉

匪用其良覆俾我悖○嗟爾朋友予豈不知而作  
 如彼飛蟲時亦弋獲既之陰女反予來赫○民之  
 罔極職涼善背為民不利如云不克民之回遹職  
 競用力○民之未戾職盜為寇涼曰不可覆背善  
 詈雖曰匪予既作爾歌

桑柔十六章八章章八句八章章六句

倬彼雲漢昭回于天王曰於乎何辜今之人天降  
 喪亂饑饉薦臻靡神不舉靡愛斯牲圭璧既卒寧  
 莫我聽○早既大甚蘊隆蟲蟲不殄禋祀自郊徂

詩經

卷一

三



教音如敗也

丁當也

推滅也

魃旱神慘燥之也

周救也印音仰也

假至贏餘也

官上下奠瘞靡神不宗后稷不克上帝不臨耗斁  
 下土寧丁我躬○早既大甚則不可推兢兢業業  
 如霆如雷周餘黎民靡有子遺昊天上帝則不我  
 遺胡不相畏先祖于推○早既大甚則不可沮赫  
 赫炎炎云我無所大命近止靡瞻靡顧群公先生  
 則不我助父母先祖胡寧忍予○早既大甚滌滌  
 山川旱魃為虐如暎如焚我心憚暑憂心如熏群  
 公先正則不我聞昊天上帝寧俾我遯○早既大  
 甚黽勉畏去胡寧殛我以旱憯不知其故祈年孔

夙方社不莫昊天上帝則不我虞敬恭明神宜無  
 悔怒○早既大甚散無友紀鞠哉庶正疚哉冢宰  
 趣馬師氏膳夫左右靡人不周無不能止瞻印昊  
 天云如何里○瞻印昊天有嘩其星大夫君子昭  
 假無贏大命近止無棄爾成何求為我以戾庶正  
 瞻印昊天曷惠其寧

雲漢八章章十句

崧高維嶽駿極于天維嶽降神生甫及申維申及  
 甫維周之翰四國于蕃四方于宣○亶亶申伯王



登成也

庸城也

績之事于邑于謝南國是式王命召伯定申伯之  
 宅登是南邦世執其功○王命申伯式是南邦因  
 是謝人以作爾庸王命召伯徹申伯土田王命傅  
 御遷其私人○申伯之功召伯是營有俶其城寢  
 廟既成既成藐藐王錫申伯四牡踽踽鈎膺濯濯  
 ○王遣申伯路車乘馬我圖爾居莫如南土錫爾  
 介圭以作爾寶往近王舅南土是保○申伯信邁  
 王餞于郿申伯還南謝于誠歸王命召伯徹申伯  
 土疆以峙其糗式遄其行○申伯番番既入于謝

近辭也

徒御嘽嘽周邦咸喜戎有良翰不顯申伯王之元  
 舅文武是憲○申伯之德柔惠且直掾此萬邦聞  
 于四國吉甫作誦其詩孔碩其風肆好以贈申伯  
 崧高八章章八句

天生烝民有物有則民之秉彝好是懿德天監有  
 周昭假于下保茲天子生仲山甫○仲山甫之德  
 柔嘉維則令儀令色小心翼翼古訓是式威儀是  
 力天子是若明命使賦○王命仲山甫式是百辟  
 績戎祖考王躬是保出納王命王之喉舌賦政于

詩經

卷下

五



外四方爰發○肅肅王命仲山甫將之邦國若否  
 仲山甫明之既明且哲以保其身夙夜匪解以事  
 一人○人亦有言柔則茹之剛則吐之維仲山甫  
 柔亦不茹剛亦不吐不侮矜寡不畏疆禦○人亦  
 有言德輶如毛民鮮克舉之我儀圖之維仲山甫  
 舉之愛莫助之哀職有闕維仲山甫補之○仲山  
 甫出祖四牡業業征夫捷捷每懷靡及四牡彭彭  
 八鸞鏘鏘王命仲山甫城彼東方○四牡騤騤八  
 鸞啾啾仲山甫徂齊式遄其歸吉甫作誦穆如清

輶輕也儀度也

衰職王職也

風仲山甫永懷以慰其心

烝民八章章八句

奕奕梁山維禹甸之有倬其道韓侯受命王親命  
 之纘戎祖考無廢朕命夙夜匪解虔共爾位朕命  
 不易榦不庭方以佐戎辟○四牡奕奕孔修且張  
 韓侯入覲以其介圭入覲于王王錫韓侯淑旂綏  
 章簟茀錯衡玄衮赤舄鉤膺鏤錫鞞鞞淺懷儻革  
 金厄○韓侯出祖出宿于屠顯父餞之清酒百壺  
 其殽維何魚鼈鮮魚其藪維何維筍及蒲其贈維

正也長張大也

也



何乘馬路車。邊豆有且。侯氏燕胥。○韓侯取妻。汾王之甥。蹶父之子。韓侯迎止。于蹶之里。百兩彭彭。八鸞鏘鏘。不顯其光。諸娣從之。祁祁如雲。韓侯顧之。爛其盈門。○蹶父孔武。靡國不到。為韓姑相攸。莫如韓樂。孔樂韓土。川澤訏訏。魴鱖甫甫。麀鹿嘒嘒。有熊有羆。有貓有虎。慶既令居。韓姑燕譽。○溥彼韓城。燕師所完。以先祖受命。因時百蠻。王錫韓侯。其追其貊。奄受北國。因其伯實。墉實壑實。畝實籍獻。其貌皮赤。豹黃羆。

城經池

韓奕六章章十二句

江漢浮浮。武夫滔滔。匪安匪遊。淮夷來求。既出我車。既設我旗。匪安匪舒。淮夷來鋪。○江漢湯湯。武夫光光。經營四方。告成于王。四方既平。王國庶定。時靡有爭。王心載寧。○江漢之滸。王命召虎。式辟四方。徹我疆土。匪疚匪棘。王國來極。于疆于理。至于南海。○王命召虎。來旬來宣。文武受命。召公維翰。無曰予小子。召公是似。肇敏戎公用錫。爾祉。○釐爾圭瓚。秬鬯一卣。告于文人。錫山土田。于周受

極中之表也

肇開戎汝公功也

詩經

卷六

卷六



命自召祖命虎拜誓首。天子萬年。○虎拜誓首對揚王休。作召公考。天子萬壽。明明天子。令聞不已。矢其文德。洽此四國。

江漢六章章八句

赫赫明明。王命卿士。南仲大祖。大師皇父。整我六師。以修我戎。既敬既戒。惠此南國。○王謂尹氏。命程伯休父。左右陳行。戒我師旅。率彼淮浦。省此徐土。不留不處。三事就緒。○赫赫業業。有嚴天子。王舒保作。匪紹匪遊。徐方繹騷。震驚徐方。如雷如霆。

難厚也

施音考虎之自怒也鋪敦布厚也仍就也

罹大也

徐方震驚。○王奮厥武。如震如怒。進厥虎臣。闕如虓虎。鋪敦淮濱。仍執醜虜。截彼淮浦。王師之所。○王旅嘽嘽。如飛如翰。如江如漢。如山之苞。如川之流。緜緜翼翼。不測不克。濯征徐國。○王猶允塞。徐方既來。徐方既同。天子之功。四方既平。徐方來庭。徐方不回。王曰還歸。

常武六章章八句

瞻卬昊天。則不我惠。孔填不寧。降此大厲。邦靡有定。士民其瘵。蠹賊蠹疾。靡有夷屆。罪罟不收。靡有

曠久也

瘵病屆極也

詩經

卷下



物窮伎窮  
或變也  
不信也

夷瘳○人有土田女反有之人有民人女覆奪之  
此宜無罪女反收之彼宜有罪女覆說之○哲夫  
成城哲婦傾城懿厥哲婦為梟為鴟婦有長舌維  
厲之階亂匪降自天生自婦人匪教匪誨時維婦  
寺○鞠人忮忒譖始竟背豈曰不極伊胡為慝如  
賈三倍君子是識婦無公事休其蠶織○天何以  
刺何神不富舍爾介狄維予胥忌不弔不祥威儀  
不類人之云亡邦國殄瘁○天之降罔維其優矣  
人之云亡心之憂矣天之降罔維其幾矣人之云

聖固也

亡心之悲矣○鬢沸檻泉維其深矣心之憂矣寧  
自今矣不自我先自我後藐藐昊天無不克鞏  
無忝皇祖式救爾後

聖固也

瞻卬七章三章章十句四章章八句

旻天疾威天篤降喪殄我饑饉民卒流亡我居圉  
卒荒○天降罪罟蟲賊內訌昏椽靡共潰潰回遹  
實靖夷我邦○臯臯訛訛曾不知其玷兢兢業業  
孔填不寧我位孔貶○如彼歲旱草不潰茂如彼  
樓莒我相此邦無不潰止○維昔之富不如時維

疾病也  
居爾中  
遠陸也  
託清也  
昏極  
極昏亂極  
喪之人

積久也  
潰也  
潰亂也



疏糲粹精也引長也類屋也

今之疾不如茲彼疏斯裨胡不自替職兄斯引  
池之竭矣不云自頻泉之竭矣不云自中溥斯害  
矣職兄斯弘不裁我躬昔先王受命有如召公  
日辟國百里今也日蹙國百里於乎哀哉維今之  
人不尚有舊

召昊七章四章章五句三章章七句

頌四

周頌清廟之什四之一

於穆清廟肅雝顯相濟濟多士秉文之德對越在

相助也

駿大而疾也

天駿奔走在廟不顯不承無射於人斯

清廟一章八句

維天之命於穆不已於乎不顯文王之德之純假  
以溢我其收之駿惠我文王曾孫篤之

溢也

維天之命一章八句

維清緝熙文王之典肇禋迄用有成維周之禎

維清一章五句

烈文辟公錫茲祉福惠我無疆子孫保之無封靡  
于爾邦維王其崇之念茲戎功繼序其皇之無競

詩經

卷下

卷九



維人四方其訓之不顯維德百辟其刑之於乎前  
王不忘

烈文一章十三句

天作高山大王荒之彼作矣文王康之彼徂矣岐  
有夷之行子孫保之

天作一章七句

昊天有成命二后受之成王不敢康夙夜基命宥  
密於緝熙單厥心肆其靖之

昊天有成命一章七句

我將我享維羊維牛維天其右之儀式刑文王之  
典日靖四方伊嘏文王既右享之我其夙夜畏天  
之威于時保之

我將一章十句

時邁其邦昊天其子之實右序有周薄言震之莫  
不震疊懷柔百神及河喬嶽允王維后明昭有周  
式序在位載戢干戈載櫜弓矢我求懿德肆于時  
夏允王保之

時邁一章十五句

將奉享獻  
右尊也

成聚於時  
也



說也

執競武王無競維烈不顯成康上帝是皇自彼成康奄有四方斤斤其明鐘鼓喤喤磬筦將將降福穰穰降福簡簡威儀反反既醉既飽福祿來反

執競一章十四句

立粒通

思文后稷克配彼天立我烝民莫匪爾極貽我來牟帝命率育無此疆爾界陳常于時夏

思文一章八句

周頌臣工之什四之二

嗟嗟臣工敬爾在公王釐爾成來咨來茹嗟嗟保

臣工群臣百工也皆屬也

畚三歲田也  
痔具也錢  
鍾銓艾皆野具也

介維莫之春亦又何求如何新畚於皇來牟將受厥明明昭上帝迄用康年命我衆人痔乃錢鍾奄觀銓艾

臣工一章十五句

私私田也

噫嘻成王既昭假爾率時農夫播厥百穀駿發爾私終三十里亦服爾耕十千維耦

噫嘻一章八句

振鷺于飛于彼西雝我客戾止亦有斯容在彼無惡在此無斃庶幾夙夜以永終譽

詩經

卷下

卷



振鷺一章八句

豐年多黍多稌亦有高廩萬億及秭為酒為醴烝  
畀祖妣以洽百禮降福孔皆

豐年一章七句

有瞽有瞽在周之庭設業設虞崇牙樹羽應田縣  
鼓鞀磬祝圉既備乃奏蕭管備舉噶噶厥聲肅雝  
和鳴先祖是聽我客戾止永觀厥成

有瞽一章十三句

猗與漆沮潛有多魚有鱸有鮪鰭鱈鯉鯉以享以

瞽樂官無  
目者

潛慘也蓋  
積柴養魚  
使隱藏避  
寒因以於  
圖反之也

祀以介景福

潛一章六句

有來雝雝至止肅肅相維辟公天子穆穆於薦廣  
牡相予肆祀假哉皇考綏予孝子宜哲維人文武  
維后燕及皇天克昌厥後綏我眉壽介以繁祉既  
右烈考亦右文母

雝一章十六句

載見辟王曰求厥章龍旂陽陽和鈴央央儔革有  
鷁休有烈光率見昭考以孝以享以介眉壽永言保

廣壯大牲  
也



言多川  
之思皇多祜烈文辟公綏以多福俾緝熙于純嘏

載見一章十四句

後孫選擇也

有客有客亦白其馬有萋有且敦琢其旅有客宿  
宿有客信信言授之繫以繫其馬薄言追之左右  
綏之既有淫威降福孔夷

一宿曰宿再宿曰信夷易也大也

有客一章十二句

於皇武王無競惟烈允文文王克開厥後嗣武受  
之勝殷遏劉耆定爾功

遏止劉殺也

武一章七句

周頌閔予小子之什四之三

閔病也造威也

閔予小子遭家不造嬛嬛在疚於乎皇考永世克  
孝念茲皇祖陟降庭止維予小子夙夜敬止於乎  
皇王繼序思不忘

閔予小子一章十一句

訪問蕃始艾如夜未艾之艾也判分渙散也

訪予落止率時昭考於乎悠哉朕未有艾將予就  
之繼猶判渙維予小子未堪家多難紹庭上下陟  
降厥家休矣皇考以保明其身

訪落一章十二句

詩經

卷下

卷下



士事也

佛弼通仔  
肩任也

也  
德使

也  
除草林  
除木也  
食  
之聲媚順  
侯受土夫

略利傲始  
函含活生  
也  
遠出土也  
鹿耘也

糾笄之  
也  
也  
也  
也

敬之敬之天維顯思命不易哉無曰高高在上陟  
降厥士日監在茲維予小子不聰敬止日就月將  
學有緝熙于光明佛時仔肩示我顯德行

敬之一章十二句

予其懲而怛後患莫予弇蜂自求辛螫肇允彼桃  
蟲拚飛維鳥不堪家多難予又集于蓼

小忠一章八句

載芟載柞其耕澤澤千耦其耘徂隰徂畛侯主侯  
伯侯亞侯旅侯彊侯以有噲其饁思媚其婦有依

其土有略其耜俶載南畝播厥百穀實函斯活驛  
驛其達有厭其傑厭厭其苗緜緜其庶載穫濟濟  
有實其積萬億及秭為酒為醴丞畀祖妣以洽百  
禮有飶其香邦家之光有椒其馨胡考之寧匪且  
有且匪今斯今振古如茲

載芟一章三十一句

畎畎良耜俶載南畝播厥百穀實函斯活或來瞻  
女載筐及筥其饗伊黍其笠伊紉其鉤斯趙以媻  
茶蓼茶蓼朽止黍稷茂止穫之挘挘積之粟粟其



黃牛黑唇曰犛

崇如墉其比如櫛以開百室百室盈止婦子寧止  
殺時犛牡有秣其角以似以續續舌之人

良耜一章二十三句

絲衣其紵載弁俶俶自堂徂基自羊徂牛鷩鼎及  
鬯兕觥其觶旨酒思柔不吳不敖胡考之休

絲衣一章九句

於鑠王師遵養時晦時純熙矣是用大介我龍受  
之蹻蹻王之造載用有嗣實維爾公允師

酌一章八句

綏萬邦屢豐年天命匪解桓桓武王保有厥土于  
以四方克定厥家於昭于天皇以間之

桓一章九句

文王既勤止我應受之敷時繹思我徂維求定時  
周之命於繹思

賚一章六句

於皇時周陟其高山墮山喬嶽允猶翕河敷天之  
下哀時之對時周之命

般一章七句

具詳也

鑠盛也甲龍龍也造為公事也

傳日間代也

應當敷布繹思繹繹而忠念也

翕音吸翕而不為暴也哀聚也



魯頌四之四

駉駉壯馬在坳之野薄言駉者有騶有皇有驪有黃以車彭彭思無疆思馬斯臧○駉駉壯馬在坳之野薄言駉者有騶有駉有駉以車任任思無期思馬斯才○駉駉壯馬在坳之野薄言駉者有驪有駉有駉以車釋釋思無斃思馬斯作○駉駉壯馬在坳之野薄言駉者有駉有駉有駉有駉以車祛祛思無邪思馬斯徂

駉四章章八句

才材力也

有駉有駉彼乘黃夙夜在公在公明明振振鷺鷺于下鼓咽咽醉言舞于胥樂兮○有駉有駉彼乘牡夙夜在公在公飲酒振振鷺鷺于飛鼓咽咽醉言歸于胥樂兮○有駉有駉彼乘駟夙夜在公在公載燕自今以始歲其有君子有穀詒孫子于胥樂兮

有駉三章章九句

思樂泮水薄采其芹魯侯戾止言觀其旂其旂旒旒鸞聲噦噦無小無大從公于邁○思樂泮水薄



采其藻魯侯戾止其馬蹻蹻其音昭昭  
 載色載笑匪怒伊教○思樂泮水薄采其芣魯侯  
 戾止在泮飲酒既飲旨酒永錫難老順彼長道屈  
 此群醜○穆穆魯侯敬明其德敬慎威儀維民之  
 則允文允武昭假烈祖靡有不孝自求伊祐○明  
 明魯侯克明其德既作泮宮淮夷攸服矯矯虎臣  
 在泮獻馘淑問如臯陶在泮獻囚○濟濟多士克  
 廣德心桓桓于征狄彼東南烝烝皇皇不吳不揚  
 不告于訥在泮獻功○角弓其觶束矢其搜戎車

黠音甚桑  
實也

憬覺悟也

闕深閉也  
極清淨也

孔博徒御無斃既克淮夷孔淑不迪式固爾猶淮  
 夷卒獲○翩彼飛鴉集于泮林食我桑黠懷我好  
 音憬彼淮夷來獻其琛元龜象齒大賂南金

泮水八章章八句

闕宮有恤實實枚枚赫赫姜嫄其德不回上帝是  
 依無災無害彌月不遲是生后稷降之百福烝稷  
 重穆植穉菽麥奄有下國俾民稼穡有稷有黍有  
 稻有秬奄有下土續禹之緒○后稷之孫實維大  
 王居岐之陽實始翦商至于文武續大王之緒致



致音推治之也

威同也

福衡施於牛角所以止觸也

天之届于牧之野無貳無虞上帝臨女敦商之旅  
克咸厥功王曰叔父建爾元子俾侯于魯大啓爾  
宇為周室輔○乃命魯公俾侯于東錫之山川土  
田附庸周公之孫莊公之子龍旂承祀六轡耳耳  
春秋匪解享祀不忒皇皇后帝皇祖后稷享以騂  
犧是饗是宜降福既多周公皇祖亦其福女○秋  
而載嘗夏而福衡白牡騂剛犧尊將將毛魚載羹  
邊豆大房萬舞洋洋孝孫有慶俾爾熾而昌俾爾  
壽而臧保彼東方魯邦是常不虧不崩不震不騰

勝所以約

履所以綴也齊音也

天德也

齊與瞻同

齊音也

三壽作朋如岡如陵○公車千乘朱英綠滕二矛  
重弓公徒三萬貝冑朱綬烝徒增增戎狄是膺荆  
舒是懲則莫我敢承俾爾昌而熾俾爾壽而富黃  
髮台背壽胥與試俾爾昌而大俾爾耆而艾萬有  
千歲眉壽無有害○泰山巖巖魯邦所詹奄有龜  
蒙遂荒大東至于海邦淮夷來同莫不率從魯侯  
之功○保有鳧繹遂荒徐宅至于海邦淮夷蠻貊  
及彼南夷莫不率從莫敢不諾魯侯是若○天錫  
公純嘏眉壽保魯居常與許復周公之宇魯侯燕



喜令妻壽母宜大夫庶士邦國是有既多受祉黃  
髮兒齒○徂來之松新甫之柏是斷是度是尋是  
尺松栢有烏路寢孔碩新廟奕奕奚斯所作孔曼  
且碩萬民是若

閔宮九章五章章十七句二章章八句二章

章十句

商頌之什四之五

那多同衍  
樂也

猗與那與置我鞀鼓奏鼓簡簡衍我烈祖湯孫奏  
假綏我思成鞀鼓淵淵嘒嘒管聲既和且平依我

磬聲於赫湯孫穆穆厥聲庸鼓有數萬舞有奕我  
有嘉客亦不夷懌自古在昔先民有作溫恭朝夕  
執事有恪顧予烝嘗湯孫之將

那一章二十二句

秩常也

酸音奏假  
音格

嗟嗟烈祖有秩斯祐申錫無疆及爾斯所既載清  
酌資我思成亦有和羹既戒既平假無言時靡  
有爭綏我眉壽黃耆無疆約軼錯衡八鸞鷁鷁以  
假以享我受命溥將自天降康豐年穰穰來假來  
饗降福無疆顧予烝嘗湯孫之將



烈祖一章二十二句

天命玄鳥降而生商宅殷土芒芒古帝命武湯正  
 域彼四方方命厥后奄有九有商之先后受命不  
 殆在武丁孫子武丁孫子武王靡不勝龍旂十乘  
 大糝是承邦畿千里維民所止肇域彼四海四海  
 來假來假祈祈景員維河殷受命咸宜百祿是何  
 玄鳥一章二十二句

濬哲維商長發其祥洪水芒芒禹敷下土方外大  
 國是疆幅隕既長有城方將帝立子生商玄王

競強也  
練緩也

傳曰駭大  
麗厚也龍  
龍也  
難音般恐  
也

曷通通也  
本也

葉危也

桓撥受小國是達受大國是達率履不越遂視既  
 發相土烈烈海外有截帝命不違至于湯齊湯  
 降不遲聖敬日躋昭假遲遲上帝是祗帝命式于  
 九圍受小球大球為下國綴旒何天之休不競  
 不綈不剛不柔敷政優優百祿是適受小共大  
 共為下國駿厖何天之龍敷奏其勇不震不動不  
 難不秣百祿是總武王載旂有虔秉鉞如火烈  
 烈則莫我敢曷苞有三蘖莫遂莫達九有有截韋  
 顧既伐昆吾夏桀昔在中葉有震且業允也天

詩經

卷下

三



子降于卿士實維阿衡實左右商王

長發七章一章八句四章章七句一章章九句一章章六句

采昌哀聚也

捷彼殷武奮伐荆楚采入其阻哀荆之旅有截其所湯孫之緒○維女荆楚居國南鄉昔有成湯自彼氐羗莫敢不來享莫敢不來王曰商是常○天命多辟設都于禹之績歲事來辟勿予禍適稼穡匪解○天命降監下民有嚴不僭不濫不敢怠遑命于下國封建厥福○商邑翼翼四方之極赫赫

厥聲濯濯厥靈壽考且寧以保我後生○陟彼景山松柏丸丸是斷是遷方斲是處松栢有挺旅楹有閑寢成孔安

殷武六章三章章六句二章章七句一章五句

詩經終



